

忠

伍

眼目

五臟內外所因證治

耳

鼻

口舌

牙齒

髮鬚

袖珍方

○眼目

人之有兩眼猶天之有兩曜視萬物察纖毫何所不至日月有一時之晦者風雲雷雨之所致也眼之失明者四氣七情之為害也大抵眼目為五臟之精華一身之至要故五臟分五輪八卦名八廓五輪者肝屬水曰風輪在眼為烏睛心屬火曰血輪在眼為二皆脾屬土曰肉輪在眼上下胞肺屬金曰氣輪在眼為白睛腎屬水曰水輪在眼為瞳子至若八廓無位有名膽之腑為天廓膀胱之腑為地廓命門之腑為水廓小腸之腑為火廓腎之腑為風廓脾胃之腑為雷廓大腸之腑為山廓三焦之腑為澤廓此雖為眼



目之本根而入藉血為之包絡五臟或蘊積風熱或有
七情之氣鬱結不散上攻眼目各隨五臟所屬而見或
腫而痛羞澁多淚或生障膜昏眇失明其証七十有二
治之須究其所因風則驅散之熱則清涼之氣結則
調順之切不可輕用針刀點割偶得其愈出乎倖倖
儻或不然為終身之害又且不可過用涼劑恐冰其血
脉凝而不流亦成固疾當量人老少氣体虛實用藥
又有腎虛者亦能令人眼目無光或生冷翳止當補
暖下元滋其腎水北方之人患眼最多皆是目冒風
沙夜卧熱炕二氣交蒸使然治之多用涼藥北方稟
受與南方不同故也痘疹之後毒氣鬱於心肝二經

不能自已發於眼目傷于瞳人者素無治法

明目流氣飲

和劑方治肝經不足內受風熱上攻眼目

視物不明常見黑花當風多淚癢澁難開或生障翳
婦人血風時行暴赤一切眼疾並皆治之

大黃地

牛蒡子炒

川芎

菊花去枝

白蒺藜炒去刺

細辛去苗

防風去苗

玄參去芦

山梔去皮

黃芩去芦

甘草炙

蔓荊子去白

荊芥去梗

木賊去根節各一兩

草決明一兩半

蒼朮米泔浸炒二兩

右爲末每服二錢臨卧用冷酒調下

七寶洗心散

和劑方方載積熱門治風壅痰滯心經積

熱邪氣上衝眼流眵睛痛或腫或赤迎風多淚怕日羞
明並皆治之

洗肝散

和劑方治風毒上攻暴作赤目腫痛難開隱

澁眵淚

薄荷去梗

當歸

羌活

防風各去芦

山梔子仁

甘草炙

大黃

川芎各二兩

右爲末每服二錢食後熟水調下

蒙花散

和劑方治風氣攻注兩眼昏暗眵淚羞明并

暴赤腫痛

蜜蒙花揀淨

杜疾黎炒去尖

木賊

石決明用鹽同東流水煮一伏時出研粉

羌活去芦

菊花去枝各等分

右為末每服一錢隔茶清食後調下

一方和劑方蜜蒙花散料內加十分中取一分

茯苓八兩

甘草四兩

薄荷二兩

川芎二兩

當歸二兩

砂仁二錢半

右為末每服二錢茶清調下日二服食後

有睛丸

和劑方治肝腎不足眼目昏暗常見黑花多有

冷淚

枸杞子三兩

菟蓉酒浸炒二兩

已戟去心一兩

甘菊花煉四兩

右爲末煉蜜丸如梧桐子大每服五十九溫酒鹽湯食後下楊氏家藏方加五味子三兩

撥雲散

和劑方治男子婦人風毒上攻眼目昏暗翳膜

遮睛怕日羞明一切風毒眼疾並皆治之

羌活

防風

柴胡

甘草炒各一斤

右爲末每服二錢水一盞煎食後溫服薄荷清調茶并菊花苗煎湯皆可服忌諸毒物

撥雲散

和劑方治肝經蘊熱毒氣上攻眼目赤腫多淚羞

明一切風毒傷肝者並宜服之

谷精草去土

菊花去梗

蟬脫爭先去土

羌活

甘草炒

白蒺藜

炒去刺

草決明炒

防風去芦

山梔子去皮

川芎不見火

密蒙花去核

荊芥穗去梗

黃芩去土

蔓荊子去皮

木賊半洗各半分

右為末每服二錢食後用茶清調服或荊芥湯亦可

菊花散

和劑方理肝受風毒眼目赤腫昏暗羞明多淚流

痛

菊花去梗六兩

羌活去芦

白蒺藜炒去夫

木賊去節

蟬蛻

去頭足翅各三兩

右為末每服二錢食後茶清調下

蟬花無地散

和劑方治大人小兒風毒傷肝或為氣攻一切

眼目昏暗漸生翳膜及久患頭風牽搐兩眼漸漸細小
連眦赤爛小兒瘡疹入眼白膜遮睛赤澁隱痛並皆治
之
茯苓
甘草炙
防風去苗各四兩

石決明鹽水煮研如粉

川芎

羌活

當歸洗焙各三兩芍藥赤者各三兩

蒺藜

炒去皮尖半斤

蛇蛻炙一兩

蟬退

去頭足翅二兩

蒼朮去皮炒十二兩

右爲末每服三錢食後米泔調服茶清亦得忌毒
食等物

明眼地黃丸

和劑方治男子婦人肝虛積熱上攻眼目翳

膜遮睛羞澁多淚此藥多治肝腎兩經俱虛風邪所乘

并治暴赤熱眼

牛膝去芦酒浸三四

石斛去苗

枳殼去白麩炒

杏仁去皮尖炒去油研細

防風去芦各四兩

生地黃

熟地黃洗焙各一斤

右為末煉蜜丸如梧桐子每服三十丸食前鹽湯溫酒下

方相散

和劑方治肝經不足風熱上壅眼目赤溢瞖疼多淚

赤芍藥

當歸洗焙

黃連去須各等分

右為末每服二錢用極滾湯泡桑熱燻洗冷即再溫日

三五次

四生散

和劑方方載風門治肝腎風毒上攻眼赤痒痛不睜羞

明多淚

白龍散

御藥院方去翳膜明眼目用川芒硝五兩取真白

如雪者置銷金銀鍋子內以新瓦蓋又用熟炭火用一小
磚火內放先燒磚熟然後下藥在鍋磚上四面有火慢
熬溶良久鍋內有聲先去頂上火并瓦鍋中覷不沸顯清
明汁以鉄鉗鉗出鍋傾藥汁在別器中凝潔如玉色者方好
研令極細入龍腦各等分用點退翳膜或吹入鼻中立有神
効

翳丸

御藥院方治遠視不明常見黑花久服明目有効

芍藥

菊花

荊芥

薄荷

甘草各一兩

蒼朮

二兩水浸

右為末煉蜜丸如梧桐子每服五十九食後茶清下

荊芥散

御藥院方治肝經蘊熱眼目赤腫

荊芥穗

當歸

赤芍藥各一兩半

黃連一兩

右吹咀每服三錢水一盞煎三沸濾去滓洗病眼

千金神效丸

三四方明眼目百歲可讀細書常服有功

神麴四兩

磁石二兩煨醋重淬

光明朱砂一兩

右爲末煉蜜丸如梧桐子大每服二十九食後米飲下

搭風散

楊氏家藏方治久新病眼昏澁難開翳膜遮睛或

成胬肉或暴發赤眼腫痛並皆治之

煅石膏四兩碎

黃連七錢建碎水一椀煮數沸濾去滓

朴硝半兩細研

以上先將炒甘石末入甘鍋內開口煨令外有黃色為度次將入黃連朴硝水中浸飛過候乾又入黃連半錢水飛過再候乾次入

白礬二錢一半生用一半飛過

膩粉別研一字

黃連末半斤

青鹽

膽丸各七錢

白丁香別研

乳香別研

鉛白霜各一字

銅青七錢

硃砂別研一字

右為末同前件藥合和令勻每用少許點眼

黃連散

楊氏家藏方治肝受風熱眼絃赤爛

乳香一錢半別研

黃連去須半兩

荊芥六百穗

灯心一百莖

右哎咀每用二錢水二盞煎至一盞濾去滓熱洗

加減莊景丸

簡易方治肝腎氣虛兩目昏暗視物不明

車前子炒二兩

熟地黃洗

當歸去須尾各五兩

楮實子

無翳膜則勿用

川椒炒出火毒各二兩

五味子

枸杞子各二兩

兔絲子酒製半斤

右為末蜜糊丸如梧桐子大每服三十丸食前溫酒

鹽湯任下

地黃丸

本事方治肝經風熱上攻眼目溢痛不可用

補藥者

熟乾地黃一兩半黃連

決明子各一兩

沒藥

光明硃砂

甘菊花

防風

羌活

桂心各半兩

右為末煉蜜丸如梧桐子大每服三十丸食後熟水下

治腎經虛冷

水候不升不能上蔭肝木致令眼目昏

暗或赤或澁痛痒無時本事方

川芎

荊芥

天麻

茯苓

金釵石斛

川烏

烏藥

牽牛

當歸各等分

右為末煉蜜丸如豆大朱砂為衣每服一九薄荷

茶嚙下

决明子散 治生方治風毒上攻眼目腫痛或卒生翳膜

或赤溢胬肉或痒或痛羞明多淚

黃芩

甘菊花去枝梗 木賊

决明子

石膏

赤芍藥

川芎

川羌活去芦

甘草

蔓荊子

石决明各二兩

右為末每服三錢水一盞姜五片煎至六分食後服

桑白皮散 治生方治肺壅塞毒氣上攻眼目白睛腫脹日

夜疼痛

玄參

桑白皮

枳殼去白 麸炒

川升麻

杏仁去皮尖炒

旋覆花去梗

防風去芦

赤芍藥

黃芩

甘菊花去梗

甘草炙

甜葶藶炒各一兩

右以咀每服四錢水一盞姜三片煎至八分去滓

食後溫服

補腎丸

濟生方治腎氣不足眼目昏暗瞳人不明漸成

內障

磁石

煨醋淬七次水飛過

兔絲子淘淨酒浸

蒸別研各二兩 五味子

熟地黄酒蒸焙

肉蓯蓉酒浸焙

枸杞子

楮實子

覆盆子酒浸

車前子酒蒸

石斛去根各一兩

沉香別研半兩

青鹽別研半兩